

# Vedtekter for Møre og Romsdal SV

## Kapittel 1: Namn og organ

### § 1.1

Møre og Romsdal SV er ein fylkesorganisasjon som omfattar alle lokallag i fylket. Møre og Romsdal SV er forplikta av Sosialistisk Venstreparti sitt grunnsyn som er nedfelt i partiet sine vedtekter og program.

### § 1.2

Møre og Romsdal SV har følgjande organ:

- a. Fylkesårsmøte
- b. Fylkesstyre
- c. Arbeidsutval
- d. Nominasjonsmøte
- e. Representantskap
- f. Utval og nemnder sett ned av fylkesårsmøtet eller fylkesstyret

## Kapittel 2: Fylkesårsmøtet

### § 2.1. Fylkesårsmøtet

Fylkesårsmøtet er det høgste organet i fylkeslaget. Det vert halde fylkesårsmøte ein gong i året, innan utgangen av februar og alltid framkant av landsmøtet.

### § 2.2 Innkalling til fylkesårsmøte

Fylkesstyret kallar inn til fylkesårsmøte. Kunngjering må sendast lokallaga seinast 30 dagar før møtet. Lokallaga eller enkeltmedlemmer som ønskjer å reise saker på fylkesårsmøtet, må sende framlegg til fylkesstyret seinast 14 dagar etter kunngjering. Innkalling til årsmøtet med dagsorden må sendast ut seinast ei veke før møtet.

Fylkesstyret eller representantskapet kan dersom det ligg føre særlege grunnar, fastsette eit anna tidspunkt for fylkesårsmøtet.

### § 2.3 Samansetjing av fylkesårsmøtet

Fylkesårsmøtet er sett saman av fylkesstyret og delegasjonar frå lokallaga.

**a. Desse har full tale-, forslag- og stemmerett, med unntak av fylkesstyret som ikkje har stemmerett i saker knytt til rekneskap:**

- Fylkesstyret
- Delegatar frå lokallaga etter følgande skala:

To utsendingar for lag med < 39 medlemmer

Tre utsendingar for lag med 40-79 medlemmer

Fire utsendingar for lag med > 80 medlemmer

Fire utsendingar frå Møre og Romsdal SU

**b. Desse vert også invitert og kan delta på årsmøtet med full tale- og forslagsrett:**

Medlemmer i komitear i arbeid, fylkestingsrepresentantar, stortingsrepresentantar, landsstyrerepresentantar og revisorar.

**c. Fylkessekretær**

Fylkessekretær har møte- og talerett

**d. Observatørar**

Fylkesårsmøtet er i prinsippet eit ope møte for alle partimedlemmer som observatørar. Fylkesårsmøtet avgjer om desse skal ha talerett.

## **§ 2.4 Finansiering av fylkesårsmøtet**

Lokallaga betaler ei avgift per årsmøteutsending dei har rett til, uavhengig av frammøte. SU betaler ei avgift per årsmøteutsending dei møter med.

Fylkesårsmøtet fastset storleiken på avgifta i samband med vedtak av budsjett.

## **§ 2.5 Valnemnd**

Fylkesårsmøtet vel valnemnd etter framlegg frå fylkesstyret. Valnemnda vert valde for årsmøteperioden og skal ha minst 3 medlemmer og eitt varamedlem. Medlemmene av valnemnda vert valde for 2 år. Det skal gjerast ei rullering slik at det vert vald minst eitt nytt medlem kvart år. Leiar vert vald av fylkesårsmøtet.

Valnemnda tilrår medlemmer og varamedlemmer til fylkesstyret og revisorar.

## § 2.6 Fylkesårsmøtet sine oppgåver

Årsmøtet skal:

1. Godkjenne frammøtte representantar
2. Godkjenne innkalling, sakliste og forretningsorden
3. Velje dirigentar, referentar og to til åa skrive under protokollen
4. Handsame årsmeldingar
5. Handsame revidert rekneskap
6. Handsame årsplan og budsjett
7. Handsame innkomne forslag
8. I år med fylkestingsval: Handsame fylkespolitiske hovudprioriteringar og valprogram for den komande valperioden
9. Gjennomføre følgjande val:
  - a. Leiar og nestleiar. Leiar vert vald for eitt år, nestleiar for to år. Leiar og nestleiar skal veljast enkeltvis.
  - b. Styre – 5 styremedlemmer og 3 varamedlemmer skal veljast for to år. Eitt av dei fem styremedlemmene skal veljast av SU. 1. varamedlem møter fast. Styremedlemmene og varamedlemmene kan veljast samla etter innstilling frå valnemnda.  
Dersom det vert sett fram motkandidatar til valnemnda sitt framlegg, skal valet avgjerast ved fleirtalsval med absolutt fleirtal, eventuelt i to omgangar.  
Ved krav om skriftlege val, skal vala gjennomførast skriftleg.
  - c. To revisorer
  - d. Landsstyrepresentantar, med 3 varamedlemmer, minst 2 frå kvart kjønn. Landsstyrerepresentanten skal vere medlem i fylkesstyre og/eller representantskap.
  - e. Delegatar til landsmøtet
  - f. Annakvart år (i ikkje-valår): nominasjonskomite
  - g. Året før fylkestingsval: programkomite
  - h. Valkomite med leiar, to medlemmer og eitt varamedlem
10. Vedta partiskatt for medlemmer som er oppnemnde i heiltids- eller deltids tillitsverv på grunnlag av partiet sin representasjon i fylkestinget. Betaling for tapt arbeidsforteneste skal ikkje reknast med.
11. Vedta arbeids- og organisasjonsplan

## Kapittel 3: Partiorgana

### § 3.1 Representantskapsmøte

Representantskapsmøtet er sett saman av fylkesstyret og 1 representant frå kvart lokallag med inntil 50 medlemmer, 2 frå lag med meir enn 50 medlemmer og 2 representantar frå SU.

Representantskapsmøtet skal kunngjerast med minst 30 dagars varsel. Saker som skal handsamast på møtet må sendast til styret seinast 14 dagar før møtet. Innkalling med dagsorden og sakspapir skal sendast ut seinast 7 dagar før møtet.

Representantskapet skal som hovudregel ha minst eitt møte i året.

### § 3.2 Fylkesstyret sitt ansvar og oppgåver

Fylkesstyret vert valt av fylkesårsmøtet og står til ansvar overfor fylkesårsmøtet. Fylkesstyret er ansvarleg for den daglege drifta av fylkeslaget. Fylkesstyret har ansvar for å følgje opp vedtak i program og planar vedtekne på fylkesårsmøtet, og følgje opp dei politiske målsettingane frå fylkesårsmøtet. Fylkesstyret skal verke som eit samordnande organ for å styrke det politiske arbeidet i lokallaga og partiet. Fylkesstyret skal leggje til rette for at så mange som råd av våre medlemmer og lokale lag deltek i utforminga av politiske budskapen og arbeidsområda.

Samandrag av arbeidsoppgåver:

- Organisatorisk, økonomisk og administrativ drift av fylkeslaget og vedta fullmakter og signatur
- Ansvar for det politiske arbeidet mellom fylkesårsmøta
- Velje kvinnepolitisk leiar
- Velje faglegpolitisk leiar
- Velje andre politiske kontakter
- Sørge for gode prosessar ved val av representantar til landskonferansar
- Sørge for god kontakt med lokallaga og representantar i landsstyre, storting og fylkesting
- Gi arbeidande komitear gode arbeidsvilkår
- Kalle inn fylkesårsmøtet og møte i representantskapet

### § 3.3 Ekstraordinært fylkesårsmøte

Styret kan kalle inn til ekstraordinært fylkesårsmøte med 21 dagars varsel. Det skal innkallast til ekstraordinært fylkesårsmøte om lokallag som representerer ein tredjedel av medlemmene i fylket krev det.

## Kapittel 4: Nominasjon

### § 4.1 Nominasjon

Fylkeslaget sin nominasjonskomité skal veljast på fylkesårsmøtet året før fylkestings- og stortingsval. Nominasjonskomiteen skal være breitt samansett. Møre og Romsdal SU skal vere representert i komiteen.

Fylkesårsmøtet vedtek mandat for nominasjonskomiteen og overordna tidsplan for nominasjonsarbeidet.

Nominasjonskomiteen skal legge til rette for høg grad av medverknad frå lokallaga og Møre og Romsdal SU i nominasjonsprosessen. Nominasjonskomiteen skal i si innstilling legge vekt på god kjønnsbalanse og god geografisk fordeling, der listeforslaget i størst mogleg grad skal speile breidda og mangfaldet i befolkninga i regionen.

Nominasjonskomiteen si innstilling skal sendast ut seinast 30 dagar før nominasjonsmøtet. Nominasjonsmøtet skal haldast innan 31.mars i valåret. Fylkesstyret kan, dersom det ligg føre særlege grunner, fastsette anna tidspunkt for nominasjonsmøtet. Kunngjering av nominasjonsmøtet skal sendast lokallaga seinast 30 dagar før møtet.

Nominasjonsmøtet er sett saman av fylkesstyret og delegatar fra lokallaga etter same skala som val av delegatar til fylkesårsmøtet. Møtet er ope for alle interesserte, med mindre nominasjonsmøtet sjølv vedtar noko anna.

## Kapittel 5: Andre reglar

### § 5.1 Vedtekter og vedtektsendring

Vedtektene kan berre endrast av fylkesårsmøtet med 2/3 fleirtal av dei avgitte stemmene, og når saka står på saklista.

### § 5.2 Tolking av vedtekter

Dersom det er tvil om tolking av vedtekter eller det er tilhøve som ikkje vert omfatta av desse vedtektene, gjeld vedtektene for SV - Sosialistisk Venstreparti.